

〔日本紀略醜〕延喜十三年五月一日壬寅日蝕但雨降今日諸司廢務十一月一日己亥日蝕廢務

十四年四月一日丁卯日蝕百寮廢務十一月一日癸巳日有食之諸司廢務十七年十二月廿

七日壬申今日召曆博士葛木宗公大春日弘範等於陣頭對問來正月一日日蝕有無兩人異論即宗

公定申可有之由既了

〔扶桑略記二十三裏書醜〕延喜十七年十二月廿六日辛未右大臣平參入曆博士宗公申明年正月一

日日食之由因茲朝拜停止權曆博士弘範申不可有日食之由廿八日癸酉右大臣參入召曆博士

等對問日食事依宗公申可有日食

〔扶桑略記二十四裏書醜〕延喜十八年正月一日乙亥日食廢務仍无朝賀十二月廿二日右大臣召曆

博士等令勘申明年正月一日日食可廢務否之由廿八日博士等令勘申同日食可廢務否由博士

等申云依宗公申夜食不可廢務之由定申又召外記仰云止朝拜者

〔日本紀略醜〕延喜廿年正月一日甲子日蝕廢務廿一年六月一日乙卯日蝕但大雨也廢務

〔日本紀略朱雀醜〕承平七年正月二日乙卯日蝕廢務或記曰元日行宴會

天慶二年七月一日庚子日蝕廢務自申刻可始其時不見或云不食

〔朝野群載陰陽道〕陰陽寮解申大陽虧蝕事

七月一日辛未日蝕十五分四  
虧初卯一刻三分 加時辰二刻一分 復未巳初刻二分

右依從五位下行曆博士賀茂朝臣光榮等正月一日解狀大陽虧狀申送如件以解

天延三年六月廿三日  
正六位上行大屬秦

〔日本紀略六融〕天延三年七月一日辛未日有蝕十五分之十一或云皆既卯辰刻皆虧如墨色無光群

鳥飛亂衆星盡見詔書大赦天下大辟以下常赦所不免者咸赦除依日蝕之變也八月廿七日丙寅